



392901
392926

BIBLIOTHECA
VNI. JAGELL
CRACOV. ENSIS

Ms. St. Dr.

III

1527 III. 5. 17



Ex-Libris
PODHORCE

ADRY. GR.





392901

392926

Mag. St. Dr. III

1041





tri-
ha-
a-
PE-

S E R E N I S S I M U S
J A C O B U S L U D O V I C U S
S O B I E S K I,

POLONIARUM & M. D. LITTHVANIÆ
R E G I U S P R I N C E P S

Semper Comite & in Vivis & in Morte,

Jam verò circa Solennem, ac verè Regium funeris apparatus
Piò affectu D U C E

CELSISSIMI ILLUSTRISSIMI & EXCELLENTISSIMI DOMINI
In Olyka & Nieśwież D U C I S,

In Mir, Kroże, Szydłowiec, & Biała COMITIS

D. MICHAELIS CASIMIRI
R A D Z I W I Ł,
CASTELLANI VILNENSIS,
DUCIS CAMPESTRIS M. D. L.

Premislien: Człuchovien: Braclavien: Camenec: Ostrecen: &c. &c.

C A P I T A N E I,

In Divorum Patria

C O L L O C A T U S,

Oratione lugubri

Perennem Polonæ Provinciæ SCHOLARUM PIARUM obligationem
testante, à suæ Foundationis Domo Złoczoviensi


D E P L O R A T U S,

Zółkiewia die 19. Decembris 1743.

LEOPOLI,

*Typis Pauli Josephi Golczewski Sacrz Regiz Maje-
statis Typographi.*

144. Pauli Josephi Golczewski



UMBO potens! qui Martis opus, qui Palladis artes
Belligeras tenuit, sat grandi scinditur ictu!

Pontadius.

Pulchra Ducem Virtus non SCUTUM à vulnere textit.

Palingen.

Non moritur, quem Vira probat, quem clarus in Orbe
Virtutum commendat Amor, Cui Nobile Nomen,
Et longæva dabit vivacem Gloria famam.

Barleus.

Immortalis Avis, tumultuque inclusus eodem
Egrederis tandem, & Gentes diffusus in omnes
Cunctorum lingvis veheris; mors pallida dicit
Extinctum, sed Fama negat.

Idem.


Nos - - PIA turba Tui, jam publica luctus
Argumenta damus; votisque reposcimus Umbram
Præcipitesque colos querimur.

Idem.



392910

III



CELSISSIME PRINCEPS.

D*ivisum per partes, in complorantem summis fati* SERE-
NISSIMI JACOBI REGIJ PRINCIPIS
Patriam, cognatasq; ei Provincias; in Nepotes jacurâ
excelsi sanguinis inconsolabiles; in devotos Nomini SOBIESCIANO
Cives populumq; justis obsequijs insistentem; Unus TU corde invictô,
Animo tamen sensibili collectum suscepis & sustines dolorem: DUCUM
Potentissime. Testis vel ipsa Zolkieviensis Basilicæ lugubris pompa; quali
amantissimus GENITOR JOANNES III. hunc Filium suum Primo-
genitum, ultimo verò denatum vix fuisset prosecutus. In quavis enim
Sacris parietibus & Mausoleo Illius Vitæ, TUIq; in eum Amoris af-
fixa insigni tabulâ; ubi Cor Tuum insimul mærens, grata Prædecessoris
memoria, perenne Optimo Viro legitur votum; unusquisq; discit, quàm Ma-
gnus,

gnus, cecidit PRINCEPS! Cui DUX tantus parentat: quam fortis dolor!
qui marmora scindit. Et certè Illius Sanctæ Felicitatè, extremæq; laudi
si quid plus adjici potest, quàm ut parem & Parentis meritorum, & suo-
rum in Rempublicam Studiorum habeat remunerationem: TUÆ parùm
est liberali Pietati, nisi congregatis in cumulum omnium affectibus, omni-
um instructus doloribus, pro singulis Regni Ordinibus, pro conjunctis illi
necessitate sanguinis Provincijs Germaniâ, Galliâ, Angliâ, Daniâ, primisq;
Imperij Electoribus, dignum proculdubio Rege, dignum Augustissimis Pro-
sapijs, TE Ipso dignum ponas monumentum. Taliter mæret! quicunq;
& Maximorum Parentum in luctu vices obit, & totius ferme Orbis
planctû in se suscipit. Si tamen inconditum PRINCEPS CELSISSI-
ME velis dividere dolorem, habes in obtentu Scholas Pias, quæ filiali
hac exiguâ lugubris schedæ comploratione, locò demortui PRINCIPIS
FUNDATORIS Tibi præsentant obsequium, nisi tanquam Communis
PATER Nostrum etiam lacrymas sistere vel ferre elegeris. Si ergo
Universorum TE afficit Compassio, ut TU in omnibus, & omnes in
TUA comparentatione, inveniantur Nos quoq; non rejicies; qui alibi in par-
tem solatiorum TUORUM sollicitas pervigilesq; curas promittimus, sem-
perq; precamur, ut in quovis Gloriæ TUÆ nunquam defecturæ pro-
gressu, sit Tecum, Tuisq; cum Successoribus, Nepotibus, Consolator O-
mnipotens.



Tſi hæc eſt rerum prætereuntium neceſſitas, ut
 omnia ad tempus tantum Nobis à DEO T. O. M.
 præfixum concedantur: nihil itaq; ſtabilis, nihil
 certi & perennis de congenita mundo fragilitate
 polliceri poſſimus: tamen ad facilius tolerandas, vel ſaltem pro
 aliquo temporum ſpatio arcendas, graves Vitæ præſentis ærumnas,
 innumeras quidem, nec leviter ſuperandas ſatis bene feliciterq;
 humano generi Cælorum clementiâ, proviſum fuiſſet, ſiquis
 bono factô Nobis è Cælo demiffus, cum Animi, tum corporis
 dotibus inſtructus, vitæ laudabilis integritate, morum gravitate,
 in rebus gerendis dexteritate, ingenij præſtantiâ, quandam Di-
 vinitatis ſpeciem præferens, eouſq; in Vivis conſiſteret, quò
 ad reliqui mortalium rectam vivendi rationem, virtutis, qua
 pollebat, Normam, addiſcerent; aut crebros inter eruditæ con-

versationis usus, si non pares effici, ad minùs amore honesti pro viribus imitari contenderent. Sed Nos miseros! (atq; si fas est dicere) plusquam infelices! ut magis execrabilis nostræ mortalitatis reddatur conditio, invisa nostro bono sic inhiant fata, ut vix impetratum, & veriùs liberaliter à DEO T. O. M. datum terris lætamur accepisse donum; vix perspectâ probitatis formâ ardenti imitationis corripimur æstu, Illos: qui præclaris naturæ donis eminent, aut Divinis propè excellent Virtutibus, è medio Nostri tollunt eò dolentiùs, quod de imminente hac injuria non commoniti, cum diutiùs illorum consuetudinem sequi posse speramus, initiò, vel annorum in medio, eos amittimus: quò fit, quod primis labris prægustatam interrumpant voluptatem; præcisis inexpectato mærore gaudijs; mente confusâ, ulteriorem recti boniq; præcludunt viam; ne vel pro exiguo tempore apprimè Nobis necessaria condiscere, non pro voluntate Nostroq; desiderio, non pro gloria Nobis exemplo præeuntium, luce hac frui, patiuntur.

Facti, dictiq; istius evidentiam, in summa primarum in Orbe Provinciarum perturbatione, ac deplorando utriusq; Poloniæ Statu, ex immutata Procerum Regni facie, ex intimo omnium doloris sensu, in tristi, nec satis dolendo funere *SERENISSIMI JACOBI LUDOVICI* Regij Poloniæ ac M. D. Litt: *PRINCIPIS* nemo non intelligit. Mæret omnis ætas, complorant Regni Status, languet emoriturq; populus hac insanabili acceptâ plagâ; quod nedum, non ita quidem maturo, verùm inopportuno obitu ablatum est; Cujus vita solidis exulta Virtutibus, publicis pernecessaria emolumentis, multorum usurpata commodis, omnibus ad exemplum amabilis: Qui fidem servare Patriæ, honorem Majestati, æqualibus promptitudinem, Amorem Civibus, bono communi salutem deberi docuit: Qui blandientem moderari fortunam, adversis non frangi, non extolli prosperis, ad for-

tia semper conniti, inter temporum vicissitudines res expertò humanas, non mutari, luculenter præbuit testimonium. Grande funus! in quo Magni Principis exuvijs iusta persolvimus: funus! multis indeplorandum ætatibus, imo nullis; *In rebus enim illis quas quandoq; perditas dolemus vehementer, spes ponit doloribus modum, quando similes posse recuperari, majores vel meliores acquiri, Nobis promittimus. Illius nulla datur moderatio, nec terminus doloris, cum ploramus amissa, quæ amplius haberi nequeunt. Hoc sanè uberrimis defletur lacrymis, quod nec perditum invenitur, nec æternâ deletur oblivione, Et eò ipso, quod nunquam excidat memoriâ, altissimi est nova causa suspirij.* Quonam factò fieri potest SERENISSIMI non meminisse PRINCIPIS? Qui, ac si necdum extinctus esset, Nostris adest obtutibus: ille adhuc Regni sustinere videtur curas; ille quæ pacis & belli sunt cum Optimatibus agere, ille manus cum hostibus conferere, ille vim hostis feliciter retundere; ille rara optimis dexteritate inultas injurias tolerare, ille bonos Cives condignis præmijs afficere, egestati serena fronte, manuq; regiâ succurrere, ille se totum usibus Ecclesiæ, Patriæ impendere. Et hæc ipsa rerum ab ipso gestarum, olimq; gerendarum viva Imago, gravius dulci recordatione afficit mentes, talem tantumq; vidisse, audisse, vixisse & tandem defuisse.

Incusamus fatorum inclementiam, quoties retroactis sæculis claros sua Virtute legimus Viros, aut ex natis Natorum audimus illustres, quod ad hæc non pervenerint sæcula, ut cum præsentibus comparatione facta, quis fortior? quis honorabilior? quis meritis major? quis laude inferior? appareret, disceremus. Non quærimus tamen, neq; quærimur de his, quæ vetus protulit fama, cum præsentia magis delectent, erepta recens acrius torqueant. Quantus mærori uno ictu oculorum proxima usurpantium, PRINCIPEM cecidisse? cui Cives propriam donassent salutem, quo longius consolarentur: quantus dolor! ex aspectu Rei-Publicæ

abijſſe, qui Delicium gentis, Familiæ ſuæ Ornamentum, habebatur; quàm interimens viciffitudo! cum minùs doluiſſemus, ſi minùs noviffemus: *tolerabilior enim eſt detrimenti latentis jactura*: adeoq; illas cogimur in ferventibus lachrymis optimo PRINCIPI deferre querelas, ut aut nunquam tam breviter vixiſſet, aut pro omnium voto diu ſuperſtes ſua luſtra exegiffet; Qui tantùm luſtùs mortuus impoſuit, quantùm vivens dulcedine operum, amoris promeruit. Quodſi mortem æqualium ſuſpicimus, quorum parùm noſtrâ intereſt, aut obitus aliquantum detrimenti rebus privatis affert, proſectò inhumanum eſſet in ejus è vivis diſceſſu, nullum, aut levem capere mærorem. Si quis in univerſali comploratione *SERENISSIMI JACOBI* gemitum non ederet, crudele, nefandum & quid inſolitum accidiffe videretur. Niſi enim Regia Majeſtas ſuum Fulcrum: Senatus-Conſultum primam Mentem, Equeſtris Ordo Ducem, Tempſa Conſervatorem, Cives Patrem, Pupilli Tutorem, Libertas Defenſorem, Jura forumq; æqui Aſſertorem ſciwiſſent, ad juſta reddenda, fronte, oculis, facie, geſtu, pectore, corde commoveri nunquam debuiffent. Ne etiam *SCHOLÆ PIÆ* ad tam lugubre ſpectaculum deſuiſſe videantur, jungunt lachrymis lachrymas ſuo FUNDATORI, hoc exiguo Orationis Argumento, quo Vitæ partes PRINCIPIS pulcherrimis datas, utpotè Regijs exercitijs, percenſere cupiunt, pijsq; ſuis Manibus gratum teſtari obſequium & devotionem.

Pluſquam certum eſt, primùm locum offerri illi Virtuti, quæ à propria Viri clariffimi ſumitur laude; quia tamen non poſtremo cenſeri ordine hanc quoq; quæ ab inclyta generis Nobilitate promanat, multis rectè ſentientibus perſvaſum eſt; idem facere non indignum exiſtimo. Plurimùm enim Nobilitas loci ac ſplendoris affert Virtuti. Illuſtrem ac præclaram plerumq; ſupprimunt obſcura natalia. Cujus rei tantùm elucet Veritas, quantùm fortes ex fortibus naſci credimus. Si enim animantium,
planta-

plantarum, Arborum est decus, seminariam vim in se bonitatis retinere, quanto magis consentaneum hominibus, quibus & naturâ & disciplinâ datum est, ut Majorum suorum Imagines cognoscere, ut eorum præclara facta sibi ad imitandum possint proponere. Jure meritò Veteres illi, à quibus; cunctis fere gentibus bonæ instituta Vitæ proficiscuntur: porticus, ædiumq; atria Patrum Imaginibus adornabant, easq; pro solenni funerum pompa ostentatui exponebant, ut quantus Nobilitati deferendus sit honor, declararent. Multum utiq; refert, Avorum, Abavorum præclare gesta jugi retinere memoriâ, aut appensa postibus circumferre, cum ex recenti commemoratione, tantò uberior Patriæ venit felicitas, quantò verior Paternarum Virtutum effigies, quasi traductis in posteros lineis, præsentatur. Ingentes profectò sunt ad Virtutem stimuli Majorum laudes; accenditur enim ad peragenda fortia quæcunq; non pigra indoles est: Et ut plùs advertit se debere sanguini, magis quoq; obstrictam sentit Virtuti. Excitatur non insolenter, quibus intra domesticos parietes, quò quò se vertant, occurrunt primitivæ gloriæ monumenta. Primum igitur DEO T. O. M. collatum tenemur referre beneficium, si summò loco nascimur: Secundum, si liberaliter educamur: tertium si honestè ac liberaliter educati, tales fructus facimus, qui Nomini ac Stirpi consentiant.

Implevit hos numeros SERENISSIMUS LUDOVICUS JACOBUS Regius Poloniæ ac Lithvaniæ PRINCEPS tam diligenter, quàm maximè. Natus est ille JOANNE SOBIESKI primæ semper recordationis Rege Poloniarum, hujus Nominis Tertio; ac LUDOVICA MARIA GRANGESIA Regina, SERENISSIMIS PARENTIBUS. Quid Nobilius? quam illius Regis esse Filium, quales non admodum multos Mundi numerant Annales: Illis nasci Parentibus quid clariùs? quorum, si vetustatem Domûs quæris? MARIA à CLODOVÆO Galliarum Rege non interruptâ lineâ;

(influyente Comitum, Principum, Regum, Imperatorum in Domum GRANGESIAM Sangvine) omni recommendatione clarissimam, propter grandia *de la GRANGE* dictam per LUDOVICUM Comitem *de MALIGNI* Parentem suum; augustissimam traxit Originem; sua Virtute regiô digna thoro: JOANNES ab Illustrissima SOBIESCIORUM Profapia vitam, Nomen Triumphatoris à suis meritis, Regiû sceptrû à grata suis triumphis Polona accepit Republica. Octavum teritur sæculum, à quo SOBIESCIJ per SOBIESLAUM LESCONIS Tertij Filium, PREMISLAI I. Nepotem in publicam editi lucem, Domum hanc inclytissimam, ipsis ferme coævam Lechiæ Conditoribus, ut Annalium documentis commonemur, ita statu rerum in Polonia gestarum perhibente observamus, quod continuâ annorum serie succedentibus & cumulatis meritis, ne quidem latum unguem à primis gloriæ recedendo vestigijs, demum in Regiam transijt Stirpem. Si Majorum recenferi cupis Cathalogum? per fasces Avos, Abavos numera, & Domi natam purpuram invenies. Ab ipso exordio, hæreditate quadam huc se amplissimi collegerunt honores. SOBIESCIANAM progeniem quandam Senatorum Curiam dixeris, in qua Principum Mitræ, Consulium clavæ, Imperatorum murices, Mareschalcorum Scipiones, Cancellariorum Sigilla, Pontificum Infulæ & sexcenta Regni Insignia commigrarunt. Quemcumq; legeris SOBIESCIUM, non nisi de Consule natum crede. Si ego meritorum in Rempublicam recordabor? ex laudatissimis eorum, factis palàm elucet Morum dignitas; pleni his exstant fasti, nec aliquo dicendi genere, aut levi foliorum opere possunt comprehendi. Sæcula ad tabulam vocet, qui scire velit, quantam SOBIESCIJ uno etiam lustro operam perfecerint; quomodo suis Patriam humeris fulcierint? quid pro Libertate gesserint? quibus Magistratibus insignes fuerint? quod bella expedierint? quot hostes, deleverint? quot triumphos reportaverint? Siætates ad calculum conferam? quibus floruerunt? & has non u-
fui suo, sed Patriæ impenderunt; tempus defecturum putarem, cu-
jus

jus angustias supplendo, optimè novi, illorum summa facta bonam æternitatem, & perennaturam monumentorum recordationem suscepisse; testariq; quod SOBIESCIIJ plùs vixère gloriæ, quàm cæteri naturæ. Jam profectò facilè ego impetrabo veniam, si in tanta dicendi materia (qualis est Majorum historiam per distinctas ætates recitare) solâ utar reverentiâ, cum non me lateat, incultam eloquentiam plerumq; magna Nomina offendere, profundum cultum nunquâm. Et licet hîc aliquos proferam SOBIESCIOS, non recensendorum factorum gratiâ (quæ sunt plenè innumera) sed solâ acquirendi nitoris ratione, ut ex se obscura, ad PRINCIPIS, in hac justâ comploratione Virtutem declarandâ, à Serenissimis Nominibus in immensum colligât lucem.

JOANNES, pars maxima SOBIESCIORUM stirpis fuerat, & Caput; qui SVETOSLAO Comite Limburgensi, ejusq; Conforte ZEMOMYSLA Ducis Mazoviæ Filiâ natus, ad agenda fortia totam impendit curam. Summum attingit existimationis, belli usu JOANNES: & quantum brevitate Corporis alios æquare impedivit natura, tantum præcellens, Animo superare Herodas concessit Virtus; ut nemo major JOANNE Surrexerit. Gratosus ille BOLESLAO CHROBRI, cum probato inter Martios ignes bellicæ artis studiò anteiret, supremus Exercituum Dux præficitur. Nec frustra, nam indomito ferro Regni dilatavit limites, Domum multis ampliavit prærogativis: Cui in signum egregiæ fortitudinis, ac gratæ suæ, rebus à se dextrè gestis benevolentia, SCUTUM coloris violacei in Stemma, perpetuumq; clypeatæ Prosapie Decus obtulit; illudq; JANINA dici voluit, quod JOANNES Nomine diminuto JANIK dictus, primus posteris suis acquisiverit: Talibus officiis Rex dans futura indicia, JANINOS ad protegendam Patriam in Orbem prodituros. In triginta sex capita à JOANNE JANINORUM divisa est Familia, quòd in hoc etiam numero toti regendo orbi sufficerent, satis compertum est. Ut verò in unione, & successione Virtutum quæq; per distinctionem suam emereret, præter commune vocabu-

lum, à proprijs ditionibus capere nominari. Crevit in dies laudatissimâ industriâ; fortitudine memorandâ; innatâ rei militaris peritiâ, quantum numerosæ hostium multitudini reprimendæ, aut in acie profligandæ satis. Jam vel ex ipsis priscò illò ævò connubijs *JANINORUM* liquet, quam reverentiam apud finitimas Provincias promeriti fuissent, qua dignitate in Patria præfulsissent; quando *MIECISLAUM* Regem decuit sua offerre studia, ut *JOANNES* Filius *JANINI* Patris, Virtutis & Nominis genuinus Successor in *Białotulowice* Comes in sociam vitæ cognatam Regis Daniæ *HELVIGEM* Comitem Olsztynensem duceret: *CASIMIRO* primo causa honoris fuit, ut voto suo instinctuq; *ANDREÆ JANINÆ* Duci belli potentissimo; Moravorum, Prussorum Triumphatori gloriosissimo, *ANNA GRANOWSKA* Palatinis Russiæ connubiali vinculò jungeretur. Sic! fortium diffundatur Sangvis necesse, ne bellica Virtus in Nepotum paucitate deficiat. Velut in Clypeis Soles eluxere, *ANDREÆ* Martia Soboles, *SOBIESLAUS* & *GEORGIUS* inter arma educati. Annis Tyrocinij vix positis, fortiter se Prutenis, ac Moravis ferrò & igne Poloniam vastantibus opposuere: unde altero rarâ Heroibus dexteritate occumbente, *SOBIESLAUS* adverso minimè cedens Marti, nec fato territus Fratris, victoriam reportavit. Fortuna belli hinc satis edocuit, quod Victor, alterius non egeret adminiculo; Solus par acies prostertere. Plurimum debet Patria *SOBIESLAO*, qui neq; Consilio, nec opibus, nec sui pectoris obtentu ullò unquam locò defuit Patriæ. Sex lustris Imperialem gestavit Clavam: Dux ipse, & miles primus in aciem, postremus ex Acie non redibat sine triumphalibus exuvijs. Non pænuit illum Vitam litare Patriæ, quàm non suam, communi bono natus, existimabat. Fractus aliquantum Annis non laboribus collata sibi à *BOLESLAO* in præmiũ Generositatis *Podoliæ* Curuli, (ut proximus Ottomanus, vel Nomen suũ metueret) quievit. Ita audiebant Heroicis operibus! ita resplendebant amplissimis honorum titulis *JANINI*! Nulla in Patrio solo dabatur Pacis prærogati-

rogativa, nulla belli Præfectura, nullus Magistratus, quem sedulâ ad omne Sacrum civileq; exercitiû contentione non auxissent; Consiliorum gravitate, solerti vigilantia non perfecissent ita, ut nec plus Patria tunc ab illis desiderare potuisset, nec Ipsi pro Nominis sui existimatione ampliùs peregisse. Ne ergo parvi æstimare Maximi Reges *JANINORUM* merita censerentur, primis Eos cumulârunt favoribus: hæcq; gratæ mentis testimonia ex Augusta sede refundebant, taliq; viâ.

BOLESLAUS CRISPUS ad Palatinam Curulem Califfiensem **ALEXANDRUM JANINUM**, qui par Domitori Orbis in fugatis, deletisq; Tartaris enituit; **CASIMIRUS I.** Lechici solij Jubar, **VITOSLAUM** nullis superatum adversis belli eventibus, verè natû ad prælia Virum: **ADALBERTUM** semper Marte prospero congradientem Purpuratorum Patrum adscripsit numero; primum Castellanzæ Califfienfi curuli, reliquos Culmensi, Belzenfi Palatinatibus fecit præesse. In hoc Senatûs Conclavi non ipso civili murice conspicuos observâsses Curios, etiam sacris præfulgentes purpuris vidisses: primûq; inter illos **VITUM**, vitæ Sanctimoniâ commendatum. Plenus erat Zelo Divini cultûs Præsul, nec tamen immemor Patriæ, curarum ipse pars non postrema publicarum, cum ceteri *JANINI* armis in acie Regno parabant, ruebanturq; fortunam, ille partam precibus ad Superos solidabat; eo modò optimè bono communi prodesse sciens, seu dum fortiter pugnatur, seu dum constanter oratur. Procul dubiò Deum **T. O. M.** rebus non ita prosperis fuisse (quem sibi devotissimus Pontifex profusa in Aras liberalitate fecit propitium) Buscense Ordinis Prædicatorum, Vitoviense, & Plocense Præmonstratensium, Monasteria testantur. Summa factorum, quæ pro Fide, Rege & Lege gessit, hinc colligenda est, quod Cælo Suis omnibus gestis comite, cum majores in terra accepisse titulos longius ævum non permisit; Cælum deniq; pro mercede laborum obtinuit. In multo pretio habebatur **VLADISLAO** non irrita dexteritas **NICOLAI SOBIESKI**: Cui

ut Aurum ad succurrendum necessitatibus publicis contemptibile, ita ferrum ad præliandum pro Civibus dulce fuerat: qua perspecta primam inter Patres Rex sibi obtulit sedem Consularem. Implevere admodum JANINII totam Domum gloriosis adoreis, implere Orbem famam, sed nondum pari titulo emensum Nomen.

Nascuntur tandem fortes Fortibus sub Sigismundo Poloniarum Rege, idque de lumbis PROCOPII JANIN Palatini Kijoviae, cum FERONIA PETRI SANGUSZKO LUBARTOWICZ Castellani Bractaviensis, DUCIS Koszyriensis, elocata sibi Filia, SEBASTIANUS qui ad originativam SOBIESCIORUM Familiam, præter usitatum vocabulum JANINA, dici voluit SOBIESKI. Novus hic Heroum aperitur campus cum nova appellatione; SOBIESCII Majora Majoribus addiderunt. *Sunt sua media Virtuti, quibus in apricum (ut est SOBIESCIORUM) prodit. Non uno tantum probitatis itinere magna progreditur indoles, ut ad idem redeat suae gloriae punctum. Naturam Solis, aut Oceani imitatur; ut enim hic continenti suo nequit immotus consistere assiduo euntium & redeuntium procellarum fervens aestu, ideoque mundi plagas non uno alluit flumine, & demum ad primum se refert Confluentem: Sic ille in meridie facundam dispensans lucem, cum ultra Zodiaci polos procedere nequeat, ima petit, novum Orbi diem accensurus: Ita SOBIESCIORUM mens generosa, cum nullis jam claudi potuit terminis, novam figit radicem, quò suo tempore ad summa excresecat. SEBASTIANUS JANINA in Sobieszyn SOBIESKI Vexillifer Regni conscriptum Aboriginum suorum ducit agmen, Antesignanus & Signifer non titulo, sed recentibus impressis laudum vestigijs insistens, MARCUM Nomine, heredem & Imitatorem reliquit. Pulchra Patris effigies! jucundior suae lineamentis gloriae, firmum Regni Columnen, tutum Libertatis Asylum, in rebus dextre regendis & gerendis primi Consilij, summaque Prudentiae Vir; rebelles profligavit Gedanenses, ad præstandam Regi Obedientiam cõegit; cataphractum Ducem perduellium ad medium Vistulae compulsum; (ne terra, & fidei & Regni Regumque aleret hostes,) alto sub-*

submergi ac præfocari laboravit. Vix audiam præliandi magnanimitatem, in MARCO bene suspexit Sigismundus, dicere auscultatus; *Si quoties Regni fortuna unius belli alex, ut quondam inter Albanos & Romanos de summis rei, hinc & illinc fortissimè certatum fuit; committenda esset, nemini melius hoc Herodè consideret.* Castellanus ille, post Palatinus Lublinensis, ostendit non titulis effluentibus, non honorum prærogativâ fulciri, sed Animo Virili integritatem publicam sustineri.

Non impar Virium cordisq; habitudine Patri obtigit Filius JACOBUS à Sobieszyn SOBIESKI. Ab ineunte ætate bellicis expeditionibus innutriti non in honorificum ratus SIGISMUNDO III. (signa & militarem illius secutus disciplinam) Moschos prostranti, auctorato, proprio ære hastato milite; Comes affuit, sed & partem Victorix tulit; nec aliàs gressum in aciem fecit, quin Victor ab hostibus rediret. *Quanto difficiliora sunt rerum negotia, tanto in illis feliciter expediendis, major sit Virtus & ingenium necesse:* Ita auxit ejus famam perquam difficillima absoluta ad Osmanum Turcarum Imperatorem Legatio, qui violatorum pactorum, toto Oriente in Poloniam perniciem collectò, ultum ibat; JACOBUS plenâ sibi à Rege & Republica facta potestate Osmano se opposuit: & cui proculdubio spes erat innumeris copijs exiguum numero Polonum delere militem, ipse victas dedit manus; effecitq; invavis fortisq; JACOBI Eloquentia, quod Major opinione Turcarum vis nunquam peregisset. Pacta sancivit, bellum avertit, pro hoste Amicum conciliavit, docuitq; SOBIESCIORUM esse proprium, idem facere, ferro decernere, quod evincantibus sine strepitu & sanguine rationibus concludere. Utiq; ipsum apud Barbarum laudem meruit illò effatò: *Armis expugnatum veni Poloniam, & rebus infectis abire cogor, quando mihi & cum Oratore, & simul cum Bellatore res est. Copijs sum major, quàm Gens mihi hostis ferre possit; cedo jam liberali facundia.* Hæc sunt, quæ in Pacis, belliq; foro instituit laudis suæ exercitia JACOBUS armis additus; at non minùs Pietati in amplianda fide orthodoxa:

nam Zloczoviensem, Pomorzanensem, Zboroviensem è Lutherano-
rum possessione, ditiones exemit; Ecclesias Catholicas exemplari
Clero locavit, congruisq; proventibus dotavit, veritus magis DEI, Fi-
dei; hostibus quam Patriæ, communicare: exemplum perinde reli-
quit, sic hostes gladiò, vel medijs Pacis; sic Cives beneficijs; sic Di-
vos Altaribus in sua Vota pertrahendi. Qualiter tot clarescèntia re-
pendere Polonia debuisset? nemo non intelligit: si tunc potuisset,
regium offerre pomum, dedisset. Cum tamen in Offerente sit mu-
nus, satis est quod non vanè, non parùm suspexit summam Virtu-
tem, primum à Rege locum in sæculari subsellio concedendo; plùs
reliquit, quia immortalè etiã posteris gratitudinè, quamdiu sola cum
SOBIESCIS, (utinam semper) duraverit: Honores quos elegerint,
quos recusaverint arbitrio subjecit. Quod ad extremum in Viro hoc
celebratissimo desiderabatur est, ut Successorem ad suum exemplar
in gerendis fortibus ausis procreasset. Attritis ergo aliquantum
viribus per interruptas in Republica curas, ad quarendam Vitæ
Comitem se contulit, quæ cùm pari Generis Nobilitate, tum Domus
non infimæ factis & commendatione claresceret; quæve Imperijs Do-
minos, Polono Orbi dare posset Moderatores. Inventa Bellona Mar-
ti, MARTIANNA, HIEREMIÆ KORYBUTH Ducis in Zbaraz &
Wisniowiec Terrarū Russiæ Palatini Filia, omnibus tum corporis,
tum Animi prædita dotibus; (Istius verè Principis Sangvinis Vi-
ri fortes, alternis vicibus patrium tenebant soliū) spem ramen pro-
missam nefastus elusit eventus; exiguo dierum post nuptiales Con-
tractus spatiò nulla prole beata, ingenti cum luctu Familiarū diem
suum clausit. Minorem planctum reliquisset, si spem Vitæ in Ne-
pote dedisset. Cum tamen in mensura dispensent lachrymas Superi,
illorumq; potestatis sit alternas pro libitu moderari vices, brevi læ-
tiora submiserunt: tædiò scilicet vitam conficienti Viduò JACOBO
Sponsam eò cariorem, quod non inanem spem conciperet. Audire
vultis? quæ illa! THEOPHILA JOANNIS DANIELOWICZ
Palatini Russiæ, vetustissimi à Colomano Rege Generis Filia, Regiæ
stirpis

stirpis honos, Frons & Fons Sangvinis emerfuri: hæc œu vitis
abundans primo MARCUM est enixa. Lufit immaturo fato Ju-
venta Marci: ex pulcherrima serenæ frontis Imagîne, ac alijs linea-
mentis formata auguria, illum præprimò Domûs Ornamento fore.
Præcluserunt quidem astra, quod robusta expectabat ætas, cum ad
plenitudinem dierum pervenire denegarunt. Ille tanquam Vitæ
suæ prænotasset brevitatem, quæ erant Viri, summa prævenit Indole.
Expeditioni contra tremendam rusticorum Chmielnicianorum col-
luviem cum Casimiro Rege adesse & authorari postulavit; ubiq;
multorum Cæsar impavido pectore superior evasit. Tentavit secun-
dum Martem, ut sive hic vivere & vincere fata statuissent, sive mori;
in utroq; Cæsarem se exhibuisset. Enimverò adversò aleæ jactu,
inclinatâ suorum, cum electo Polonæ militiæ robore, parte, inde-
fatigatus hostium cædibus, nisi mors præpedisset occubuit hac cum
laude: Et agere & pati fortia, JANINORUM est: non minùs animi
inesse ad mortem, quam ad cædem, SOBIESCIORUM.

Implevit Annos, suscepit negotium, non adeo vindex cædis fra-
ternæ, quàm JANINORUM nunquam in dubium vocatæ existimatio-
nis in re bellica secundò genitus JOANNES, felicissimè non solum
Gentis Polonæ Sceptum, sed totius Christianæ Reipublicæ salutē
unus paterno sinu excepturus. Spem ab uberibus Matris penden-
tem elapsò tempore pubertatis confirmavit, cum Marti se non aliò
eventu devovit, quàm ut & DEUM & fortunā Comitem ubiq; ha-
beret. Nemo erat, qui inter fatis egregias artes vividi adolescen-
tis invidus socius, laudabili curiositate Academicorum, bellicorum,
politicorum negotiorum miram consuetudinem indiganti, facileq;
addiscenti, non Regem suo ævo futurū polliceretur. Legebat tunc
quisq; in amænis supercilijs, in augusta facie, in vasto pectore, in
gravî incessû, in maturo gestu, in ponderoso sermone, quod si quid
adhuc Majorû suorum addendum esset bonis successibus, ille per-
ficeret. Primam belli glaciem ad Zboroviam adiit JOANNES, nec
lubricum expertus: Scythas, Cosacos persequens, trucidans, fregit:

ostenditq; sat prosperè & propere quid Juvenilis valeat ardor, quæ
Nobilis & heroicus nutrit sangvis. Suspexit tacitus in sui Com-
militonis Ardoribus CASIMIRUS PRINCEPS larga Deorum mu-
nera, quæ ne lentâ abolerentur inertia, Vexilliferum Regni consti-
tuit, ut hoc prænobili Ministeriò Curiam & pacem exornâset. Sed
quid ille? quod Animus sublimiori quoq; non patiens subsidere
loco; justis armis, providò consilio altiora quærere non desinat, quod
non longa intercapedine Scipiones, clavas, ipsum Sceptrum vali-
dus sit absq; ullò ambitu arripere, clarè effecit, non saltim proficien-
do. Inde Illi maxima de suo Regno, Libertate, juribus, amplian-
dis patrijs limitibus sollicitudo, delicia; difficillima Regnorû Status
arcana resolvere, malis impendentibus inopinato occurrere, præsen-
tia ante culmum in radice suffocare, minùs onerosa cura, dulcis fuit
Cibus: jamq; peracutâ solertiâ non ita præparabat ac disponebat
quàm præviè operabatur, quæ gubernaculis Poloniæ admotus, com-
pleri in summo Reipublicæ turbine, quo tunc res Nostræ concutie-
bantur, expectabat. Dux rebellionis Cofaticæ *Dorofzenko* ad *Pod-
hayce* turpi se salvans, amisso exercitu fugâ, Sacramento juraret,
quid non Duce dignû in se suisq; expertus senserit, viderit, sitq; ad-
miratus? Ordinem exercitus, fervorem bellandi, stragematum pe-
ritiam, necessitati providentiam, defectui subsidium, Casibus ruinæq;
promptum suffragium. Proinde ac si non aliâ occasione permota
Respublica post gloriosissimè gestatum magnum Scipionem, Præfe-
cturæ belli primam obtulit Provinciam. Talem Imperatorem!
(cui non miles fidem, sed & fors ob magni Nominis, ac rerû opti-
mè exactarû plausum promisit obedientiâ; cujus astra, pontus, cam-
pestres belluæ nutum sequi videbantur; quem non multitudo ho-
stium, non dubietas conflictûs, non attritæ Vires, non pericula flu-
minum, saxorum asperitas, viarum incommoda à proposito deter-
ruerunt) Asiaticus cum Antesignano suo Ottomano miles, per Po-
doliæ latifundia frequentes canens triumphos, Urbem populosam
Leopolim despolians, propugnacula demoliens, liberum populum
per

percolla trahens, nollet unquam novisse, qui didicit serò, optimè
unius boni Militis imperiò fugari agmina numerosissima. SOL-
TANI ad *Bednaroviam* deinde ad *Chocimum* clades, quam acer-
ba! quàm gravis! limitum Patriæ Invasori: elegisset proculdubiò
aliquam suæ Provinciæ partem spontè obtulisse, quam à malè par-
tis, tam enomiter, tam impudenter, tam ignominiosè resiliisse. Ivit
per cruentas contra bellantium strages, cautò passu, non tardâ Vi-
ctoria Triumphator *SOBIESCIUS*: ivit ante & retrò hostium sternens
cadavera: nec dura, nec mollia, nec promissa, nec oblata, & quod
maximum, nec proximum honorem (ubi in Principem suæ Gentis
uno voto, ore, sensu, apprecatione electus est) respiciens. Para-
bant jam Proceres devotusq; populus in folio Pacis domi, non in
acie recenti aspersa sanguine optatum Regem adorare, non tamen
æquè iustum ille ratus id sibi præstari officium; noluitq; frontem
submittere Coronæ, donec novo in Patriam merito desudasset. In-
tellexit tunc SOLTANUS non incongruè, Neo-Electi consaluta-
tione Principis Provinciam occupari, hilarijs dari operam, ad exci-
piendum usitato gentis more Dominum solennia præparari, ipsumq;
JOANNEM à tot præliaribus curis respirare: tunc usus facillè tem-
poris favore, castra ad Camenecum plurimo aucta Equitatu pedi-
tatuq; disposuit; dispositis, tanquam omnia in securo fierent, vin-
dictam sui recentis exitij repetiturus; omnem sacra violandi, tribu-
ta exigendi, lectorum Juvenum puellarumq; prædæ, vel mercatu-
ræ exponendi, dedit facultatem. Hac in sedanda procella date fa-
culla parem! Rex JOANNES extra ambitum, oblitus pompæ, obli-
tus solennitatum publicæq; lætitiæ ad Inaugurationem Coronæ, non
quæ sua sunt, sed quæ Cōmunis necessitatis quærît: collectò ad famā
vicinæ hostilitatis suorum manipulo, (si ita placeret bonis Dijs)
morti planè instanti Vitam paratus est immolare: plus ducens Ho-
nori, decensq; esse idem Principi pro Patria vivere, idem mori glo-
riosè. *Non illa certa salus Civium, ubi Rex est superstes, & hi deficiunt:*
Vivunt isti, si Rectores sui Animam reddant. Periculum timet Respublica

D a Mode-

à Moderatoribus, se laudabili inter suorum acervos & cadavera morti subtrahentibus. Avita congenitaq; sibi dexteritate, quod semel, idem iterum iterumq; cum æmulis Tûrcarum JOANNES egit copijs: ita delevit & fugavit notabili cum clade castra, ut SOLTANUS ampliùs se hostem futurum Regni ejurârit. Ita Rex! Dux! Milesq; venit Cracoviam ad Coronam; Pater ad Filios, Princeps ad Proceres, Dominus ad subditos.

Quid ergo nunc ab augustissima, invictissima Regia Sede expectemus? quid promittamus? ecce! Templâ Fidesq; Zelatorem, contentiosum forum Diremptorem, Libertas Conservatorem, probefacta Remuneratorem, Pupilli Defensorem, bella Triumphatorem, Miles Ductorem, Pax Tutorem. JOANNES III. omnia! Justitiâ extra querelas administravit, Libertatem extra pressuram tenuit, Religionem extra censuram coluit, Merita extra favorem appreciavit, Egentes extra qualitatem ditavit, Singula & universa extra omnem arrogantiam, ostentatum, prætextum exhibuit; ut & prærogativâ eximij Principis, & SOBIESCIORUM Nomen tot sæculis commendatû, magis redderet venerandû. Viennensis Expeditionis prosperitas, (quam tot insignes bellorum peritiâ Religiosi Principes unius JOANNIS sui Magistrî commiserunt defensionî) insolita; post aliquot minùs faustas cum Bisurmano Germanorum velitationes & prælia; parta triumphô, apertè docuit docetq; non tantum voce protunc solius Imperatoris Leopoldi, Provinciârumq; sibi subjeclarum acclamatione, nec non Confederatarum Nationum unanimi sensu, verùm etiam, ex solis gestis in tam truculento, turbulento, perimente; Fidei, Religionis, Catholicarumq; ditionum statu, fuisse, Fulmen inexpectatum hostibus; Numinis Brachium periclitantibus: Christianitatis SCUTUM & Liberatorem. Vix hæc non loquerentur, Illius triumphis in Germania, Italia, Gallia erecti obelisci, si spiritu vitali animarentur; stant certè attoniti nec facilè amovendi; donec quis exsurgat Major JOANNE III.

Quam cælitùs, vel à Patruis gratiam accepit Optimus Pater, eandem in JACOBUM, ALEXANDRUM, CONSTANTINUM,
verè Re-

verè Regios Filios, & TERESSIAM CUNEGUNDAM Filiam, Sangvinis Principes transmisit. Quot quot vivi supersunt Testes, major fides oculatis, quam aure vel ore prurientibus dabitur: Illi sunt laus genuina Filiorum, Nepotumq; JOANNIS Invictissimi; illi cultissima lucidissima suorum operum Panegyris: illi sincera Historia: qualiter hæc Serenissima proles Parentum suorum, per vetustiq; Nominis inhærendo tritis vestigijs, Pietate, armis, ære, consilijs, pia Liberalitate, tractabili Majestate, dulci familiaritate; Ecclesiam, Patriam Cives devinxerint; qualiter utriusq; religiosissimi Genitoris instituto, Virtutibus, Scientiâ, Prudentiâ, gloria, magnanimitate profecerint; qualiter pro Aboriginum suorum nobiliori fama, quid quid indolis, bonæ existimationis, recti honestiq; sibi inerat sedula contentione perquirere, cumulare non omiserint: Illi inquam Arbitri ad evulgandam JOANNIS Nepotû gloriâ, ori digitum non imponant. Mihi hoc Sole clariùs est: *Maximorum, Excellentissimorum, Illustrum Virorum solida merita, sic cum difluente Oris balitu, & Verborum sono conferantur, nullum illorum reperiri vestigium; per Auram transferunt. Adeoq; quæ in se & ex se stabilia, firma fulcro non egent; quæ compta colores quæ decora flosculos negligunt. Laudis Nitore nunquam ex sua conditione & natura clarus est; sed illorum culturâ, quorum pulchra dicta, facta percensentur. Perquam justum est tacere, ubi & Magnitudo & Claritas Nobilium factorum obruit Eloquentiam. Solem digitò expungere illusio est.* De solo JOANNE & Nepotibus, multò plùs de singulis præclaris, præpotentibus JANINIS, SOBIESCIIS plurimùm dixisse idè est quod incepisse: meminisse æquum & gratum.

Admonet jam ipsa rei necessitatq; ratio, ut postquam de Majorum SERENISSIMI PRINCIPIS dignitate non adeo affatim secundû justitiæ exigentiam egissem, etiam aliquid pro splendore currentium laudum de ipsius JACOBI capeßam præcellentia. Plurimùm debuit Sangvini PRINCEPS SERENISSIMUS, quod de Domo stirpeq; regia processerit; non minùs hæc illi, quod multis titulis suæ Prosapix fuerit ornamentò. *Non parùm dedit qui pro pulchro genere & San-*

gvine totum se cum benè culta vita obtulit. Utiq; non sola Genitorum suorum laude admodùm contentus; quantùm de Jllorum gloria in se profusum jubar advertit, tantùm vicissim circa immortalitatem eorum fovendam, conservandamq; de suo studio adjecit. Ortus ille, (jam constat quibus Genitoribus) ortus Parisijs Nobilissima Galliarum Metropoli 1667. die 19. Novembr: Hospitem tantùm! quomodo Gens Amabilis, gratiosa, bonorum Morum Magistra, severiorum Disciplinarũ Emporium, Flos Europæ suscepit? ablaçtavit? & pro Inclytissimorum Parentum Honore, & summa sui existimatione neminem latet. Annos regimini gerularum subditos non commemoro: hìc quoq; nil leve offerri poterat, Magistris, ad futuram Regiõ filiõ dignam educationem, in molli statim ætate quò ad corpusculum flexibili, quò ad Indolem tractabili, quò ad mores imitabili, genium formantibus. Ætate suã depositã prætextã, cum ingeniũ docile, memoria prompta, tenax aviditas, egregius ardor apparerent, vix passus est non inertix aut cervicositatis causã, sed felicitate capacitatis pia politicaq; tradi præcepta. Quid quid enim vidit, audiit, mente peracuta imitandum vel fugiendum præscivit, hoc sine monitore reliquit, illud sine stimulo peramanter complexus est. Amant Maximi, Equestrium ludorum spectaculis teneros assvescere annos: hoc PRINCIPIS Nostri tam libenter Animum irritavit, ut citra humaniores scientias plùs ad bellica studia, præsertim auditis toties **POTENTISSIMI GENITORIS** sui pulcherrimis conflictibus, raperetur. Jam partes primĩ militis, jam summi Ducis obire edoctus, nil, nisi pro Aris focusq; agere, Patres Patruosq; sapere statuit in Animo. Redijt postliminiò in Patriam necdum sibi notam, Patrem clarissimum in omni belli progressu secutus, ac imitaturus. Quantùm! creditis? concepit JOANNES III. solatij, quando ad Viennã Austriæ, ubi in illas acies (quibus summa æstusq; prælij claudabatur) hostium irrumpendi facultatẽ à Patre, Præfecturamq; accepit. Primã hìc (conjicio) obtulit se JACOBO necessitas latus ad latus in dubio rerum conflictu, congregiendi. Mira cum voluptate specta-
res,

res, quâ, necdum Veteranus dexteritate id Muneris, suscepit. Principes satis in difficultate frangendi vimq; hostis reprimendi probatos, suo Regimini & Vexillis sociatos, perspectâ Ottomanî castrorû fortitudine incessit formido, cû aliô Consiliô vim saltim adversâ sustinere, non propulsare parârunt, imperterritus Dux sic cohortatus: *Eja Socij! armis accincti, Animum non metum induite: Campus quo fixit pedem hostis Patria Nostra est: Nos desides si spontè scienterque jacturam eorum, quorum Nostra interest patiamur, & non dolenter eousq; aspeximus. Me herclè! Virtutem nostram non segnis insequitur gloria. Vitam transeuntem, sive hic, sive alibi mors expectat inevitabilis, utinam sicut in præsens secura & gloriosa; alibi (credo) inopinata, indecora, vel prolixa. Non turpis Noster exitus est, cû vincemus: quod summè ab omnibus desideratur Nostra fama, Nostrum decus est. Vincemur honorifice? non surda volabit fama pro Deo, rebus Orthodoxis multò sanguine partis laribus, exemplô Majorum Nostrorum ultimum diem clausisse. Hanc unam si frangemus, numero non Virtute armatam cohortem, metus transit in omnes. Eja milites! non Nos relinquat Cor generosum, dextra Domini dabit Virtutem & fortitudinem.* Hoc dicto tantisper plûs, datô signo, confertis utrinq; manibus, tantâ hostium vix sperata cæde, paucis suis amissis, primam celebrem Porram universali aperuit Victoriæ. Audiit ista PATER, sumptoq; ex Filij successu omine, hostiles copias futuras suas, certo sibi promisit, cû Natus à sinistro, Parens à dextro latere castris oppositis infedissent. Quis non Ardor præliandi Filium, quod Genitor spectaret; & Genitorem quod Filius erudiretur incessit? Utrumq; ad multorum invidiam fortiter stetisse, ad omnium admirationem sine magna suorum strage decertasse didicit Imperator LEOPOLDUS; & restitutam Imperij sui magnam partē gratulatus, plûs Polonorum, quàm Principum Electorum adscripsit subsidijs; Hæreditatemq; propriam Vitâ redemptam aliena benè intelligens, si quid præstantius, si quid dignius pro JOANNIS III. Filijq; sui meritò obtulisse poterat, non parùm contulit, Voce solenni sua per omnia castra, per frequentē universorû Statuû Sexûsq;

Viennæ turbam missâ & acclamata; *VIVAT JOANNES SALVATOR.*

Cum ventum est ad spolia; si quæ JACOBUS Victor tulit, nihil ex apparatu satis raro ac pretioso magis æstimandum fuit, quam Imperatoris ille favor: non minus CAROLI II. Hispaniarum & Indiarum Regis Aurei Velleris monile, quo significaret Regium PRINCEPEM pro summa, in tanto Imperij conflictu dexteritate, non insigni tantum hoc Regibus communi dignum, sed etiam scepro cuivis parem evasisse. Incitatus his præliis JACOBI extra patrios Penates fervor non remisit Domi; & rebus in Germania compositis, pace inter belligerantes stabilita, fœderibus hinc & inde perscriptis non ad delicias & commoda duris assuetam laboribus Indolem, non ad inertem otiosamque quietem studia convertit. Osmanus loco mutari fortunam credens, quam ad Mænia Viennæ inconstantem expertus, faventio rem ad Camenecum Podoliense sperabat. Succendit ergo ignem suo majori damno futurum; limites vicinos Poloniae, nemine se opponente incendijs, tributis, cædibus pecorum hominumque præda aggrediens, ac devastans. Rex JOANNES satis bene arbitratus, non esse opus suo ad res Camenecenses præsidio JACOBO Filio commisit omne negotium. Æquo Marte hic nunquam certatum est; Regius PRINCEPS, quod Natura ad Orbis prodigium suis artibus munivit, quod hostis tam recentis Militiæ validò subsidio, ballistis, machinis, cuniculis, ignitis globis adjuvit, felici industriâ, Virtute pertinaci, labore non adeo duro Fortalitium expugnavit. Quodsi nōrunt cui serviant Leones; sic Fortuna eximios tantum comitatur Herodes: nunquam certè meliora potuit mereri stipendia, quam sub JACOBO. Illam etenim sive certa subesset spes Victoriæ, sive dubia inconstansque belli verteretur alea, ibi non sublatus optimò dextrè gestorum successu, hic forti semper non despondens Animo satis habuit PRINCEPS reverenter.

Ista sunt! quæ pro laude bellica foris, domique gessit. Jam quæ ad ampliandum Familiæ suæ honorē, sanguinis propagationem, Nepotum informationem referuntur nonne sunt solennia? cum ELISABE-

SABETHAM AMELIAM *Neoburgensis Principis*, inclytis Animi muneribus, & Nominis splendore, & divitiarū copia Illustrem Filiam Sponsam duxit. Magna se cum illa SOBIESCIORUM Atriis pars intulit Orbis; scilicet Cæsares, Daniæ, Angliæ, Norvegiæ Reges, primi Electores Imperij Consanguinei. Illud unum! memoranda maximè superat: quod cum ex ea procreatam Filiam CLEMENTINAM Angliæ Regi JACOBO STUARDO elocasset, regnum illud mundo clariùs reddidisset, nisi Religionis diversitas Anglorum fœderatarumq; Provinciarum tantæ forti obstitisset. Facta hujus Sanctæ mulieris viva, multis severioris Vitæ artibus nobilitata, plurimis cæli favoribus coronata, in molli Regum ad luxumq; facili thoro primâ Innocentiâ decorata, post mortem placidissimam, pientissimam raris hoc ævo miraculis approbata, quomodo Gentis illius gloriam, SOBIESCIORUM percelebrem famam auxit, sole clariùs constat. *Anima certe DEO placita pium devotum, religiosum, Orthodoxum Regnum fecisset, restituisset vel impetrasset.* Inde liquet, quænam & Parentis JACOBI fuerat Pietas, Religionis Amor, quem Natæ, & pulchrò sangvinis commercio, & Exemplo Institutioneq; nobilissima, juxtaq; cælesti instillavit. Zolkieviensis Ecclesiæ, & insignis Capellæ Arcis ibidem; quæ orandi sedulitas: Missæ Sacrificiorū frequentia, Exhomologesis consuetudo, parietes dicerent: quæ Abstinentiæ ratio? festa solennia præveniendi, ad Sacra mentem Corpusq; præparandi, pruritum ingluviei restringendi, carnem spiritui bono subjugandi, Esæ loquerentur; quæ Serenissimæ Aulæ, in Divinis præceptis Dei; timore, recti honestiq; studio, in æqualium æstimatione, Præpositorum reverentiâ, inferiorum dilectione, omniū exemplari Societate laudabilis disciplina? dicant illi, 'qui Sacram Civilemq; vivendi normam illa in Universitate Pietatis didicere. *Princeps & Sanctus, Potens & modestus, Dives & misericors, rarò observata in mundo talia Virtutis specimina.*

Clementiam & affabilitatem Regijs moribus congenitam forte cum injuria explicabo. Si parçè loqui, & quando, Majestati consen-

taneum, nunquam plùs noster JACOBUS auditus, quàm ad Viros Insignes affatim, hospitaliter excipiendos; querulantes in suis lacrymis svaviter compescendos; inopes cum verbo bono & largâ eleemosyna remittendos, cæteros quosvis sive propria, sive aliena negotia exponentes: (à fabulis tamen aure retractâ) incunctanter absolvendos; (brevibus rem expediam,) ad aliquam recreationem Animi, ad Amicorum Consolationem, ad jucundam mentis serenitatem, ad justam laborum curarumq; remissionem, ad salubria danda Consilia, & ad ipsius Modestix leges satîs erat. Liberalitatis autem nescivit modum, quid dederit, cui dederit planè ignarus: *Ita aurei Principes facile aurum contemnunt, seu quod aureas habent Animas, seu quod liberali consuetudini pretium ac sufficientem thesaurum non inveniant.* Exhibuisse aliquod manu promptâ officium lex illi Sacrosancta: mutùm intra se conturbatus ac inquietus, si cunctanter beneficium facere pateretur. Ibant redibant; inopes, necessarij, validi, ægri, cæteriq; nullus illorum quæstus est, majora expectabam: tenax Princeps est; durus sermo Regius; affectu Palatij inurbani: PRINCEPEM reverenter adire, contueri, alloqui, intra extraq; forum occurrere licuit; nec Majestas vultûs quemquam terruit, nec inhumanitas procul ab aula depulsa portas obseravit. Non æris Custodes Ministrosq; examinabat, sitnè ærarium exhaustum, lætus cum omnia ad DEI & proximi utilem cessissent usum: *Didicit quippe Nummos fertilem esse glebam, quæ bene culta multum facit proventum, intacta spinas, lappas, tribulos profert.* Noluit tamen propter Aurum adorari, quod solius DEI munus esse cognovit, utpotè donum & datum optimum à Patre luminum pro Arbitrio cui vult, affluenter dandum, vel denegandum. Pro congruis tantùm regiæ familiæ redditibus aliquid, ac gentium exterarum Legatis magnifico apparatu excipiendis reservabat, cautus vim auri robustissimam, non tantum corda mortalium, sed & conscientias splendidis suis illaqueare compedibus. Cleri singularem reverentiam nemo non laudavit illis in ædibus, ubi summus Dei cultus eminebat, Sacerdos Angelus; religiosus Quæstor Christus; peregrinus ac si quis cælò demissus, salutabantur ac suspicieban-

tur. Prandere sine Presbytero Jejunium erat Principi undequa-
 pientissimo, & si quando de sua mensa ad pauperes aliquid non tran-
 sijt, omnia sua perdidisse dolebat. Inter hæc, quæ pro voto, in ere-
 ctis Sacris Basilicis, auctis Xenodochijs, ampliatis beneficijs, dota-
 tis Paræcijs reddidit Altissimo, Scholis quoq; Nostri PIJS non par-
 vam impendisset operam: certus SERENISSIMUM PARENTEM
 apprimè Instituto Nostro faventissimum quondam in suis bonis præ-
 claram Foundationem obtulisse. Profectò mentem GENITORIS, su-
 amq; singularem in ceptra Złoczoviensi Domo complèssæt bene-
 volentiam; dicant illi, qui & Vitæ & Mortis religiosissimæ testes
 aderant; quam fervens unicumq; illud erat desiderium PRINCIPIS,
 in quo & Vitæ suæ extremum posuit, atq; ultimum transmissit Cælo
 suspirium.

Talem Vitæ suæ tenuit cursum SERENISSIMUS JACOBUS, ut
 in omni bene merendi de GENITORE suo, de Patria, de Civibus
 progressu nil non laude, nil non perenni gratitudine, nil non imi-
 tatione seria prosequendum implevisset. Si cujus quippe Virtutis
 tenerò maturòq; ævo ardens illi intererat studium, illud solâ Ma-
 gistrâ perfecit Magnanimitate: adeoq; ita omnia agere satagebat,
 ut vix aliquis meliùs; ita præcellere, ut non sine difficili contentione
 alijs consequi incumberet. Sic se natum! taliter educatum, hoc in
 fastigio positum ubi mente tacitâ pervolvebat pulchra indoles nil
 vile, nil solitum aggredi; perfervens sanguis nil tritum adniti sti-
 mulabat. Quamvis in multis communis Vitæ rationes inijt, & tamen
 distinguebatur non ex eo; quod ab Optimi Parentis Filio, à Regio
 Principe, ab Illustrium Abavorum Nepote proficiscerentur, unde
 pondus, reverentiam, acceptionem, plausum, obtinerent, sed quia
 novo semper cum decore, raro cum ornamento non remissè, non
 perperam agenda laudabiliter prosecutus. Verbò publicis priva-
 tisq; usibus Patriæ sic se dedit, ut ostenderet, quod affinis & Suc-
 cessor sit throni atq; Coronarum, Serenissimæ verò Familiæ Hæres
 ultimus ex affe, & Corona. Unde si quid, tam altò Nomini Domuiq;

suæ addere potuit addiditq; Honoris ex nexu Serenissimarū Profa-
piarum WISNIOWIECCIORUM & LESZCZYNSCIORUM. Cel-
sissimarum SANGUSZKORUM, RADIVILIORUM, JABLONO-
WSCIORUM; Illustrissimarum, GRANOWSCIORUM, DANIE-
LOWICCIORUM (alià si mitto hic non segnis Ignorantiæ causâ,
sed quod & tabula non sit capax tantum Syllabum sustinere, &
quod longa lucubratione perquirenda essent Nomina; veniam sup-
plex oro) super summū existimo his Sceptra Galliæ, Hispaniæ, Ger-
maniæ, Angliæ, Daniæ, Electorum Imperij decora, JACOBUM in
Nobilissima Filia sua illâ CLEMENTINA: tū CAROLINA Cel-
sissimis Principibus Galliæ de BOUILLON primò, secundoq; post fata al-
terius Fratris: voto nuptam sociasse: tanquam pro proximis SOBIE-
SCIORUM meritis Orbis se illis in præmium partiri deberet: seq;
offerret ad regendum.

Sic moritur quem fama vebit, quem secula longo

Tempore formabant, magno de sanguine Regem.

Quà igitur comploratione non privata, sed totius Orbis prosequendum sit
funus Setenissimum semel dixi, sed de tanto Principe, de tam spectabili
Herodæ, de Ultimo Generis sui Consumenti, nunquam plenè. Cecidit
PRINCEPS! tot Provinciæ ingenti concussa dolore ingemunt: Ah Ma-
gnus ille! Nomine, fama, Viribus, factis obijt: Cecidit PRINCEPS! nume-
rosæ lacrymas non valent sistere propagines; Ah Speciosus ille! Cor, Pu-
pilla, Delicium Generis sui, non parva quædam pars pulchri Corporis defe-
cit: Cecidit PRINCEPS! non tam lugere, quam inter crebros singultos Ani-
mam agere videtur Polonia: Ah Fortis ille! non quivis privatus lucem
reliquit: Cecidit Miles! castra fremunt, mutuisq; se præ maiore vix non con-
ficiunt cædibus: Ah Insignis, Victor ille! qui Vitam pro Patria posuit.
Cecidit PATER! Pupilli, Pauperes, Peregrini, religiosæ Familiæ graviter
ad deliquium usq; mentis suspirant, Ah Optimus ille! qui manum à li-
berali munere offerendo non retraxit, nunc in erepta sibi lucis usura
omnium oblitus. Cecidit PATER & FUNDATOR! quid attonitæ hæ-
retis SCHOLÆ PIÆ? ad feretrum aut loquendum est, aut moriendum.
Ah Serenissimo Cinere Capita & Corda aspergamus ob perennē sui memo-
riam si effusus in planctum eripit Verba dolor, & lacrymæ pondera Vocis
habent. Si verò pace Celsissimorum Illustrissimorum Reveren-
dissimorū Comploratorū vocem edere licuit, non ad augen-
dam Funebralem PRINCIPIS pompam, non ad appa-
rum lugubrē promovendum recitanda recitavi, sed
ad nunquam largè deplorandum PRINCIPEM
FUNDATOREM, parcè dixi.









Biblioteka Jagiellońska

5940019765

